

Kajian Hadis Dalam Kitab *Hidayat Al-Salikin* oleh Sheikh Abdus Samad Al-Palembaniy

AKHMAD SAGIR

ABSTRAK

Kitab *Hidayat al-Salikin* karya Sheikh Abdus Samad al-Palembaniy banyak dipelajari bukan sahaja di Indonesia tetapi sampai di Kemboja, Thailand, dan Malaysia. Kitab ini diselesaikan pada 1192 H/1778 M di Mekah. *Ditashih* pertama kali oleh Sheikh Ahmad bin Muhammad Zain al-Fattani, dicetak di Mesir dan tersimpan di perpustakaan Mekah, Mesir, Turki dan Beirut. Kitab ini sememangnya tertumpu kepada tasawuf, tetapi masalah feqah dan usuluddin/tauhid juga tidak dilupakan dengan menjadikan Al-Qur'an dan Sunnah Nabi Muhammad S.A.W. sebagai rujukan. Sehingga hari ini kitab ini masih dipelajari dan mempengaruhi masyarakat. Hal ini menjadi tarikan tersendiri untuk dikaji khasnya hadis-hadis rujukannya demi kemartabatan kitab ini. Kajian akan difokuskan kepada bagaimana rujukan dan kualiti hadis-hadisnya. Matlamat kajian ini ialah untuk mengenal pasti rujukan dan kualiti hadis-hadisnya. Penyelidikan ini dalam bentuk kepustakaan (*Library research*), yakni mengkaji dengan *mentakhrij*, *mentahqiq* dan melakukan kritik atas *sanad* dan *matan* hadis-hadisnya sehingga dikenal pasti kualitinya. Kitab ini memuat satu muqaddimah, tujuh bab, 235 pasal, tiga faidah, dan ditutup dengan satu *khatimah* dan 8 bait syi'ir. Hasil kajian menunjukkan bahawa hadis-hadis dalam kitab *Hidayat al-Salikin* ini ada 241 nas termasuk 43 hadis yang merupakan nota kaki daripada ustaz Shamsuddin Siddiq dalam kajian beliau dan 6 hadis yang disebut berulang. Daripada 241 hadis itu ada 38 nas yang tidak diketahui sumber rujukannya yang bererti bukan hadis. Manakala yang lain rujukannya lebih dari 9 kitab (*kutub al-tis'ah*). Adapun kualitinya ada yang *sahih*, *hasan*, *da'if*, *da'if jiddan* atau *maudu'* dan ada yang belum pasti. Dengan demikian dapat disyorkan bagi pengamal kitab ini sepatutnya memastikan terlebih dahulu rujukan sumbernya agar tidak terjebak kepada amalan yang tidak berasas, manakala di lain pihak mesti menyedari bahawa kadang-kadang kaum sufi mempunyai *tariqahnya* sendiri yang tidak dapat dinafikan kemungkinannya.

Pengenalan dan Permasalahan Kajian

Sunnah Rasul S.A.W. merupakan sumber ajaran Islam kedua setelah Al-Qur'an Al-Karim. Ia bukan sahaja merupakan ungkapan-ungkapan, pesan-pesan serta tindakan-tindakan yang lahir daripada seorang Nabi dan Rasul sahaja, tetapi ia juga sebagai penjelasan terhadap isi kandungan ayat-ayat Al-Qur'an yang masih bersifat universal dan *mutashabih* serta susah untuk difahami.¹

Pemahaman bahawa yang disebut hadis Nabi adalah segala pernyataan, perbuatan dan *taqrir*² itulah, maka diperlukan pengetahuan untuk memilih dan memilah hal-hal mana yang mesti diteladani, yang benar-benar berasal daripada Nabi S.A.W. Penyelidikan lebih penting, yang boleh menjelaskan atau memberikan gambaran ke atas hadis Nabi yang berkaitan dengan ajaran Islam yang asas, seperti praktikal Nabi dalam mengamalkan petunjuk-petunjuk Al-Qur'an sehingga dapat merangkumi dan sesuai dengan keadaan masyarakat atau umat yang mempunyai pelbagai budaya.

Penyelidikan terhadap hadis menjadi sangat penting kerana berhubung kait dengan autoritinya untuk dijadikan *hujjah* dalam menentukan dan membentuk sesuatu hukum dan ketamadunan Islam. Kerana itu, kajian tentang hadis yang akan menemukan hasil secara kualiti --*sahih, hasan, da'if, maudu'* atau bahkan bukan hadis. Hadis tersebut dalam sebuah kitab yang sudah menjadi pegangan dan rujukan umat perlu dilakukan secara mendalam oleh seorang pemerhati, penyelidik yang mempunyai kecenderungan kepada hadis.

Di Palembang Sumatera Barat Indonesia, tercatat nama seorang ulama besar yang dipandang sebagai tokoh dan watak sejarah yang sangat berjasa terhadap perkembangan Islam di daerah ini bahkan di Nusantara. Nama ulama tersebut ialah Shiekh Abdus Samad al-Palembaniy (1710-1812 M) yang oleh Martin Van Bruenisen merupakan pembawa amalan tarekat Sammaniyah yang kemudiannya berkembang di Palembang pada penghujung abad ke-18.

Kitab *Hidayat al-Salikin* adalah kitab yang lebih mengambil tumpuan kepada bidang tasawuf, dan juga membincangkan tentang feqah dan tauhid, walaupun sedikit. Perbincangan atas tajuk-tajuk dalam pasal-pasal kitab tersebut menggunakan sumber-sumber

¹ Said Agil al-Munawwar ed. *As-Sunnah dan Perkembangannya*, 1995, hlm.15.

² Perbuatan ataupun ucapan para sahabat yang diketahui oleh Rasulullah dan Bagindapun tidak menegurnya atau bahkan membenarkannya.

seperti Al-Qur'an dan hadis nabi dalam rangkaian menyokong penjelasannya, kerana keduanya menjadi rujukan bagi setiap masalah masyarakat atau umat, baik yang berkaitan dengan kehidupan sosial mereka mahupun yang berkenaan dengan tingkah laku seharian dan lain-lain.

Oleh kerana itu artikel ini cuba mengkaji hadis-hadis yang dimuat dalam kitab *Hidayat al-Salikin* karya Sheikh Abdus Samad al-Palembaniy. Kemudian akan ditakhrij, ditahqiq dan dilakukan kritik atas sanad dan matannya untuk mendapatkan kesimpulan/*natijah* yang berkenaan dengan kualitinya.

PERMASALAHAN KAJIAN

Berasas pada pengenalan melalui latar belakang di atas dan agar penyelidikan ini lebih tertumpu, maka dicubalah menetapkan permasalahannya, iaitu: Bagaimana rujukan hadis-hadis dalam kitab *Hidayat al-Salikin* dan Bagaimana kualiti hadis-hadisnya serta merungkai atas kemungkinan adanya hadis yang tidak ada sumbernya atau tidak dijumpai dalam kitab-kitab hadis yang *mu'tabar*.

HAD PERMASALAHAN

Untuk menghindari terjadinya salah faham yang tidak dikehendaki terutamanya terhadap pokok bahasan, maka perlu diberikan had-had istilah berikut:

1. Hadis-hadis yang dimaksudkan dalam penyelelidikan ini adalah semua hadis yang termaktub dalam kitab *Hidayat al-Salikin* karya Sheikh Abdus Samad al-Palembaniy ditambah dengan hadis yang menjadi nota kaki oleh ustaz Shamsuddin Siddiq daripada kajian beliau ketika menjelaskan hadis yang dimaksudkan oleh pengarang kitab ini.
2. Kajian bermaksud melakukan *takhrij* terhadap hadis yang menjadi bahan kajian ke dalam sumbernya dengan menggunakan bantuan kamus-kamus hadis atau CD atau lainnya dan tentu sahaja melakukan *tahqiq* dengan memperbandingkan antara hadis yang ada dalam kitab *Hidayat al-Salikin* dengan sumber-sumber rujukannya untuk kemudian diambil yang *rajih*.

MATLAMAT KAJIAN

Bertitik tolak daripada permasalah kajian ini, maka matlamat utama yang hendak dicapai dalam kajian ini adalah untuk mengetahui

dengan pasti rujukan dan kualiti hadis-hadis yang terdapat dalam kitab *Hidayat al-Salikin* dan untuk memastikan *rajih* tidaknya sesuatu hadis yang digunakan untuk dijadikan *hujjah* dalam beramal bagi penulis khasnya dan kaum muslimin *amnya*. Dengan demikian institusi hadis menjadi bermartabat, bebas dan bersih daripada sebarang pemalsuan. Selanjutnya pula sebagai pembuka wawasan tentang hadis-hadis yang terdapat dalam kitab *Hidayat al-Salikin* khasnya dan juga kitab-kitab Melayu-jawi *amnya*

OBJEKTIF KAJIAN

Penyelidikan ini mempunyai beberapa objektif kajian, antaranya ialah:

1. Mengkaji dan menganalisa seluruh hadis yang ada dalam kitab *Hidayat al-Salikin* karya Sheikh Abdus Samad al-Palembaniy dan hadis-hadis yang menjadi nota kaki daripada Shamsuddin Siddiq untuk mengenal pasti status hadis tersebut, kualiti dan periwayatnya.
2. Memasyarakatkan institusi hadis, terutamanya mendedahkan mana-mana hadis yang sahih ataupun *da'if* dalam sebuah kitab *Hidayat al-Salikin* karya Abdus Samad al-Palembaniy ini.

METODE KAJIAN

Penyelidikan yang penulis lakukan adalah dalam bentuk penyelidikan kepustakaan (*Library research*), yakni penyelidikan terhadap bahan atau sumber data tertulis sahaja, iaitu mengkaji hadis-hadis yang ada dalam kitab *Hidayat al-Salikin* daripada segi *sanad* dan *matannya* sehingga nampak jelas kualiti setiap hadis yang ada dalam kitab tersebut. Selanjutnya dapat disaring dan dipilih mana-mana hadis yang boleh dan layak untuk dipegang dalam kehidupan mahupun mana-mana hadis yang tidak semestinya diakui sebagai hadis Nabi, serta kalau boleh sampai pada menemukan alasan mengapa hadis-hadis tersebut diletakkan sebagai sumber rujukannya. Juga sedikit biografi tentang pengarang kitab ini iaitu Sheikh Abdus Samad al-Palembaniy dan kitab *Hidayat al-Salikin* itu sendiri.

Bahan yang diperlukan dalam penyelidikan ini dihimpun dan diolah dengan langkah-langkah berikut :

Pertama, menginventarisasi hadis-hadis yang termaktub dalam kitab *Hidayat al-Salikin* dengan membaca, memperhatikan petunjuk daripada kitab yang dikaji bahawa hal itu adalah hadis Nabi, kemudian mengkonfirmasi ke dalam kitab-kitab rujukan hadis atau

menemukan hadis-hadis yang semakna dengan hadis yang ditemukan.

Langkah kedua, melakukan *i'tibar sanad* atau memperhatikan *sanadnya* untuk mengetahui apakah *sanad* hadis tersebut mempunyai *shahid* atau *mutab'i*.

Langkah ketiga, melakukan kritik sanad, dengan meneliti kapasitas intelektual dan integriti pribadi para perawi hadis-hadis yang dimaksudkan.

Langkah keempat, melakukan kritik *matan*, yaitu membandingkan antara *matan-matan* hadis yang ditemukan, untuk menentukan metode periwayatan yang digunakan dalam meriwayatkan hadis-hadis tersebut.

Kemudian menganalisa akan kemungkinan alasan daripada dimuatnya hadis-hadis yang ditemukan dalam kitab *Hidayat al-Salikin* yang terdapat pada bab-bab tertentu, sehingga dapat disimpulkan berasaskan situasi dan kondisi pada zaman Shiekh Abdus Samad al-Palembaniy sebagai penulis kitab ini.

HASIL KAJIAN

1. Sheikh Abdus Samad dan Kitab *Hidayat al-Salikin*

Sheikh Abdus Samad dikenal sebagai pengarang *Sayr Al-Salikin* dan *Hidayat Al-Salikin*, dua karya sastra tasawuf Melayu yang penting yang berdasarkan *Ihya* dan *Bidayat Al-Hidayah* Al-Ghazali, dengan tambahan bahan dari berbagai kitab tasawuf lainnya.³ Namun Shiekh Abdus Samad ternyata tidak menulis karya tasawuf sahaja. Ia juga mengarang sebuah risalah berbahasa Arab mengenai jihad, *Nasihah Al-Muslimin wa Tadhkirat al-Mu'minin fi Fada'il Al-Jihad fi Sabil Allah*. Yang lebih menarik lagi, ia juga telah menulis surat kepada Sultan Mataram (Hamengkubuwono I) dan Susuhunan Prabu Jaka (putra Amangkurat IV) yang dapat dianggap dorongan untuk terus berjihad melawan orang kafir, sebagaimana dilakukan para sultan Mataram sebelumnya.⁴ Sheikh Abdus Samad, rupanya seorang sufi yang tidak mengabaikan urusan dunia, bahkan mungkin boleh disebut mempunyai azam yang kuat. Tidak menghairankan kalau murid-muridnya yang ahli tarekat juga bersedia untuk berjihad secara fizikal. Oleh kerana itu tidak silap

³ Lihat M. Chatib Quzwain. 1985. *Mengenal Allah: Suatu Studi mengenai Ajaran Tasawuf Sheikh 'Abdus-Samad al-Palimbani*. Jakarta: Bulan Bintang. Hlm. 25-30.

⁴ Quzwainiy, *ibid.*, hlm. 16-17 dan 22-23.

agaknya kalau Prof. K. H. Saifuddin Zuhri, bekas Menteri Agama Republik Indonesia (periode 1962-1967), menyebut Sheikh Abdus Samad al-Palembaniy disebut sebagai "Matahari Islam" daripada Sumatera.⁵

Sebagai seorang ulama besar, nama Sheikh Abdus Samad al-Palembaniy tidak hanya terkenal di Palembang Sumatera Barat. Ia juga dikenal di pelbagai daerah di Indonesia, bahkan mengikut Ustaz Wan Muhd. Shaghir Abdullah, penulis *Seri Ulama Pengarang Asia Tenggara*, nama al-Palembaniy juga popular di Kamboja, Thailand, dan Malaysia.⁶ Hal ini disebabkan dua karyanya yang monumental iaitu kitab *Sayr al-Salikin* dan *Hidayat al-Salikin* yang banyak dipelajari oleh umat Islam di negara-negara tersebut. Lebih daripada itu, kitab yang terakhir (*Hidayat al-Salikin*) tersimpan di berbagai perpustakaan besar di dunia, seperti di Mekah, Mesir, Turki dan Beirut.⁷

Kitab *Hidayat al-Salikin fi Suluk Maslak al-Muttaqin* ini sejak penulisannya diselesaikan pada tahun 1192 H/1778 M di Mekkah oleh pengarangnya memang mengalami perjalanan panjang. Kitab ini sememangnya telah dicetak dan diterbitkan beberapa kali oleh percetakan mahupun penerbitnya. Antaranya percetakan Darul Ma'arif Pulau Penang, percetakan Sulaiman Mar'i Pulau Penang, Kota Baharu Kelantan, Singapura, di Mesir dan Indonesia lebih ramai lagi.

Kitab ini pertama kali ditashih oleh Shiekh Ahmad bin Muhammad Zain al-Fattani, apabila beliau mencetak kitab tersebut untuk pertama kalinya di Mesir. Beliau bekerjasama dengan Hadrat al-Amjad al-Kashmiri Fida Muhammad dan anaknya Abdul Ghani di Percetakan Sheikh Hasan at-Tukhi berdekatan dengan Mesjid Jami' al-Azhar.⁸

Kitab *Hidayat al-Salikin* memuat satu muqaddimah, tujuh bab, 235 pasal, tiga faedah yang terdapat dalam bab kedua pasal kedelapan. Dan ditutup dengan satu khatimah dan diakhiri dengan 8 bait syi'ir.

⁵ M. Saifuddin Zuhri, 1991. *Sejarah Kebangkitan Islam dan Perkembangannya di Indonesi*. Bandung. Hlm. 75.

⁶ Wan Muhd. Shaghir Abdullah. 1983. *Shiekh Muhammad Arshad al-Banjariy Matahari Islam*. Kalimantan Barat: Pontianak. 1983. Hlm. 65.

⁷ Wan Muhd. Shaghir Abdullah, *Ibid*. Hlm. 45.

⁸ Wan Muhammad Shaghir Abdullah, 1419 H/1998 M. *Hidayat al-Salikin*, Kuala Lumpur: Khazanah Fattaniyah. Jil.3. Hlm. 75.

2. Hadis-Hadis dalam Kitab *Hidayat al-Salikin*

Berdasarkan apa yang dapat dikesan setelah membaca berulang kali daripada awal hingga akhir didapati 241 buah hadis yang dikesan melalui ungkapan : berdasarkan sabda Rasulullah saw., yang diajarkan oleh Nabi saw. Bersabda Baginda S.A.W. Dari 241 hadis itu ada 43 hadis merupakan tambahan yang lakukan oleh ustaz Shamsuddin Siddiq untuk memperjelaskan dan menyokong ungkapan dalam kitab *Hidayat al-Salikin* ini. Sebagai contoh, Apabila dalam kitab disebutkan “Kemudian maka sembahyanglah engkau dua raka^{at} sunnat wudu” kemudian ustaz Shamsuddin Siddiq menambahkan dalam bentuk nota kaki “berdasarkan hadis Nabi SAW. من تَوَضَّاءَ فَاحْسَنَ الْوُضُوءِ ثُمَّ صَلَّى رَكْعَتَيْنِ “ dan seterusnya.

Dalam Muqaddimah ada 2 pasal terdapat 10 hadis, masing-masing pasal 5 hadis disebutkan. Bab pertama masalah Aqidah tanpa pasal ada 1 hadis sahaja.

Bab kedua Masalah Ta^{at} Zahir dengan dua belas pasal mengandungi 136 hadis. Awal bab 1 hadis, pasal pertama ada 21 hadis, pasal kedua ada 11 hadis, pasal ketiga ada 4 hadis, pasal keempat ada 1 hadis, pasal kelima ada 3 hadis, pasal keenam ada 9 hadis, pasal ketujuh ada 9 hadis, pasal kelapan ada 17 hadis ditambah dengan tiga faidah dengan 10 hadis, pasal kesembilan ada 12 hadis, pasal kesepuluh ada 3 hadis, pasal kesebelas ada 29 hadis dan pasal keduabelas ada 29 hadis.

Bab Ketiga Masalah Menjauhi Ma^{si}at Zahir dengan tujuh pasal memuat 20 hadis sahaja. Awal bab ada 1 hadis, pasal pertama, kelima, keenam dan ketujuh tidak ada sebarang hadis, manakala pasal kedua ada 1 hadis, pasal ketiga ada 15 hadis dan dalam pasal keempat ada 3 hadis.

Bab Keempat Masalah Menjauhi Ma^{si}at Batin dengan sepuluh pasal mengandungi 31 buah hadis. Awal bab ada 1 hadis, pasal pertama ada 2 hadis, pasal kedua ada 2 hadis, pasal ketiga ada 3 hadis, pasal keempat ada 1 hadis, pasal kelima ada 6 hadis, pasal keenam ada 1 hadis, pasal ketujuh ada 8 hadis, pasal kelapan ada 3 hadis, pasal kesembilan ada 1 hadis, pasal kesepuluh ada 3 hadis.

Bab Kelima Masalah Ta^{at} Batin dengan sepuluh pasal mengandungi 22 buah hadis. Pasal pertama ada 1 hadis, pasal kedua tiada sebarang hadis, pasal ketiga ada 3 hadis, pasal keempat ada 2 hadis, pasal kelima ada 2 hadis, pasal keenam ada 3 hadis, pasal ketujuh ada 1 hadis, pasal kelapan ada 3 hadis, pasal kesembilan ada 3 hadis, pasal kesepuluh ada 4 hadis.

Bab Keenam masalah Keutamaan Zikir dan Adabnya dengan 3 pasal mengandungi 8 buah hadis yang kesemuanya ada pada pasal

pertama manakala pasal kedua dan ketiganya tiada sebarang hadis pun dimuat di dalamnya.

Bab ketujuh Adab Bersahabat dan Mu^ʿasharah yakni berkasihan serta *Khaliq* yakni Allah dan serta makhluk lainnya dengan 4 pasal mengandungi 7 hadis sahaja. Pada awal bab ada 4 hadis, pasal pertama ada 1 hadis, pasal kedua dan ketiga tiada sebarang hadis dimaktubkan dan pada pasal keempat ada 2 hadis.

Selanjutnya Khatimah atau penutup Sheikh Abdus Samad memasukkan 1 buah hadis sahaja yaitu *خير الأمور أوسطها*.

Hasil kajian ini dinyatakan bahawa antara 241 hadis tersebut ada 38 yang dikatakan dalam kitab ini sebagai hadis nabi – berdasarkan qarinah yang nampak. Namun setelah dilakukan penyelidikan tidak dapat dikesan letaknya apatah lagi perawinya. Ini bermakna bahawa ada 38 hadis yang tidak dapat dikatakan sebagai hadis nabi, kerana tidak termaktub di mana-mana kitab hadis yang *mu^ʿtabar*. Dalam bab muqaddimah ada 3 hadis, bab kedua ada 19 hadis, bab ketiga 1 hadis, bab keempat ada 6 hadis, bab kelima ada 2 hadis dan pada bab ketujuh da 2 hadis.

Sementara itu ada beberapa hadis yang disebut berulang, iaitu :

1. *إنما لأعمال بالنيات...* disebut pertama kali pada bab kedua pasal 2 diulang dalam bab kedua pasal 3.
2. Lafaz Iqamah dinyatakan pertama kali pada bab kedua pasal 6 diulang semula dalam bab kedua pasal 9.
3. *إن المستمع شريك القاتل وهو أحد أركان المغتابين* disebut pertama kali pada bab kedua pasal 11 disebut semula dalam awal bab ketiga.
4. *من تواضع لغني صالح ذهب ثلثا دينه...* dinyatakan pertama kali pada bab ketiga pasal 7 disebut semula dalam Khatimah atau penutup
5. *حب الدنيا رأس كل خطيئة* disebut pertama kali pada bab keempat pasal 7 dan diulang pada bab ketujuh pasal 4.
6. *.... إلى من دنياكم ثلاث* dinyatakan pertama kali pada bab keempat pasal 7 dan diulang semula pada bab kelima pasal 8.

3. Rujukan Hadis-Hadis dalam Kitab *Hidayat al-Salikin*

Hadis-hadis yang terapat dalam kitab *Hidayat al-Salikin* selain bersumber dari *kutub al-tis^ʿah* sekitar 155 hadis yang tersebar dalam kitab-kitab tersebut, juga dari kitab-kitab yang lain sekitar 39 hadis yang termaktub dalam 16 buah kitab. Rujukan dari kitab

sahihain (sahih Bukhari dan Muslim) ada 16 hadis sementara sahih Bukhari sahaja 9 hadis dan sahih Muslim sahaja ada 33 hadis.

4. Kualiti Hadis-Hadis dalam Kitab *Hidayat al-Salikin*

Apabila membincangkan masalah kualiti, berdasarkan kajian sementara ini, didapati hasilnya bahawa hadis yang tidak dapat dikatakan sebagai hadis ada 38 nas, yang tersebar dalam muqaddimah, bab-bab dan pasal-pasal kitab *Hidayat al-Salikin*. Hadis yang belum dapat dipastikan kualitinya ada 4 nas, yang amat *da'if* ada 4 nas, yang *da'if* ada 75 nas, yang *hasan* ada 45 dan yang *sahih* ada 75 nas hadis.

Sebagaimana dimaklumi bahawa hadis yang tidak terlalu berat keda'ifannya boleh saja digunakan untuk dijadikan sebagai landasan bagi beramal atau yang biasa disebut *fadailul a'mal*, sangat bergantung kepada orangnya, mahu atau tidaknya mengamalkan suatu amalan tersebut. Kerana pada pandangan penyelidik bahawa hadis-hadis yang *da'if* itu lebih tertumpu kepada hal-hal yang bersifat *targhib* dalam beramal sahaja. Namun demikian sama sekali tidak boleh diyakini seratus peratus bahawa hal itu bersumber daripada Nabi S.A.W. Manakala yang tidak ada sumber rujukannya daripada sunnah atau yang sangat *da'if* kualitinya tentu sahaja tidak boleh dijadikan dasar sama sekali dalam beramal.

CONTOH DAPATAN KUALITI

Hadis Sahih

Sebagai contohnya diambil hadis keempat puluh tujuh (47) yang terdapat dalam kitab *Hidayat al-Salikin* pada bab kedua pasal yang keenam. Salah satu contohnya yang diriwayatkan oleh Imam Malik dalam kitab *Muwatta'*nya sebagai berikut :

حَدَّثَنِي يَحْيَى عَنْ مَالِك عَنْ سُمَيٍّ مَوْلَى أَبِي بَكْرٍ عَنْ أَبِي صَالِحٍ السَّمَّانِ عَنْ أَبِي هُرَيْرَةَ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ مَنْ قَالَ لَا إِلَهَ إِلَّا اللَّهُ وَحْدَهُ لَا شَرِيكَ لَهُ لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ فِي يَوْمٍ مِائَةَ مَرَّةٍ كَانَتْ لَهُ عِدْلُ عَشْرِ رِقَابٍ وَكُتِبَتْ لَهُ مِائَةُ حَسَنَةٍ وَمُحِيتَ عَنْهُ مِائَةُ سَيِّئَةٍ وَكَانَتْ لَهُ حِرْزًا مِنَ الشَّيْطَانِ يَوْمَهُ ذَلِكَ حَتَّى يُمْسِيَ وَلَمْ يَأْتِ أَحَدٌ بِأَفْضَلَ مِمَّا جَاءَ بِهِ إِلَّا أَحَدٌ عَمِلَ

أَكْثَرَ مِنْ ذَلِكَ (موطأ مالك باب ما جاء في ذكر الله تبارك وتعالى ج 2 ص 137)

Sesungguhnya hadis yang sama juga diriwayatkan oleh banyak *muhaddithin* antaranya :

- Imam al-Bukhari dalam kitab Sahihnya pada bab “Sifat Iblis dan Tenteranya juzuk 11 hlm. 70”, juga pada bab “Kelebihan *tahlil*, juzuk 20 ms. 17”.
- Imam Muslim dalam kitab Sahihnya menyebut pada bab “Kelebihan *tahlil*, *tasbih*, dan doa, juzuk 13 hlm. 201 dan 203.
- Imam Al-Turmudhi dalam Sunannya meriwayatkan pada bab “Kelebihan *tahlil*, *tasbih* dan *takbir*, juzuk 11 hlm. 371 dan 441.
- Imam Ahmad dalam Musnadnya meriwayatkan pada juzuk 13 ms. 490, juzuk 16 hlm. 207, juzuk 17 hlm. 404, juzuk 18 hlm. 60, juzuk 37 hlm. 487, juzuk 48 hlm. 39 dan 75.
- Al-Hakim dalam Mustadraknya menyatakan pada Kitab “*al-do‘a wa al-takbir wa al-tahlil*, juzuk 4 hlm. 392.
- Al-Tabraniy dalam *al-Mu‘jam al-Kabir* meriwayatkan pada bab kedua juzuk 4 hlm. 174, 223 dan 226, juzuk 5 hlm. 157, juzuk 7 hlm. 122, juzuk 10 hlm. 483.
- Ibnu Hibban juga meriwayatkan dalam Sahihnya pada bab “*Al-Adhkar*” juzuk 4 hlm. 190 dan 192.

Berdasarkan *takhrij* dan kajian terhadap sanad dan matan hadis yang diriwayatkan oleh imam-imam tersebut dapat disimpulkan bahawa sanad-sanad dan matan-matannya memenuhi ketentuan kesahihan suatu hadis bahkan imam al-Hakim apabila menyebutkan hadis ini dalam kitabnya terus menyatakan bahawa hadis ini sahih.

CONTOH HADIS *HASAN LIDHATHIH*

Sebagai contoh untuk hadis hasan ini dikemukakanlah hadis yang ke 73, pada bab kedua pasal delapan daripada kitab *Hidayat al-Salikin* karya Sheikh Abdus Samad al-Palembaniy yang diriwayatkan oleh Imam al-Tirmidhi:

حَدَّثَنَا أَبُو كُرَيْبٍ حَدَّثَنَا أَبُو بَكْرِ بْنُ عَيَّاشٍ حَدَّثَنَا أَبُو إِسْحَقَ عَنْ عَاصِمِ بْنِ ضَمْرَةَ عَنْ عَلِيٍّ قَالَ الْوُثْرُ لَيْسَ بِحَتْمٍ كَصَلَاتِكُمُ الْمَكْتُوبَةِ وَلَكِنْ سَنَ رَسُولُ اللَّهِ صَلَّى اللَّهُ عَلَيْهِ وَسَلَّمَ وَقَالَ إِنَّ اللَّهَ وَثَرٌ يُحِبُّ الْوُثْرَ فَأَوْثَرُوا يَا أَهْلَ الْقُرْآنِ قَالَ وَفِي الْبَابِ عَنْ

ابْنِ غَمْرٍ وَأَبْنِ مَسْعُودٍ وَأَبْنِ عَبَّاسٍ قَالَ أَبُو عِيسَى حَدِيثُ عَلِيٍّ حَدِيثٌ حَسَنٌ (سنن الترمذی باب ما جاء أن الوتر ليس بختم ج 2 ص 255)

Hadis ini selain Imam al-Turmudhi juga diriwayatkan oleh imam *muhaddithin* yang lain seperti :

- Imam Ibnu Majah dalam Sunannya bab “pada masalah witr, juzuk 4 hlm. 6”
- Imam Ahmad dalam Musnadnya juzuk 3 ms. 168 dan 171, juzuk 12 hlm. 150, juzuk 15 hlm. 447 dan 448.
- Imam al-Darimi dalam Sunannya bab ambil perhatian terhadap witr, juzuk 5 hlm. 7.

Al-Albani menyatakannya sebagai hadis yang *sahih lighairih*, manakala imam al-Turmudhi menyebutkannya sebagai hadis *hasan* sahaja.

CONTOH HADIS DAIF

Kerana Kecacatan Perawi

Sebagai contoh untuk hadis da'if kerana *ta'an* para rawi ini dikemukakanlah hadis yang keempat, pada bahagian *muqaddimah* pasal pertama daripada kitab *Hidayat al-Salikin* karya Sheikh Abdus Samad al-Palembaniy yang diriwayatkan oleh Imam Ibnu Majah:

حَدَّثَنَا سَعِيدُ بْنُ مَرْوَانَ حَدَّثَنَا أَحْمَدُ بْنُ يُونُسَ حَدَّثَنَا عَنَسَةُ بْنُ عَبْدِ الرَّحْمَنِ عَنْ عَلَاقِ بْنِ أَبِي مُسْلِمٍ عَنْ أَبَانَ بْنِ عُثْمَانَ عَنْ عُثْمَانَ بْنِ عَفَّانَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَوْمَ الْقِيَامَةِ ثَلَاثَةُ الْأَنْبِيَاءِ ثُمَّ الْعُلَمَاءُ ثُمَّ الشُّهَدَاءُ. (سنن

ابن ماجه باب ذكر الشفاعة ج 12 ص 372)

Hadis ini hanya ada satu periwayatan sahaja, iaitu oleh Imam Ibnu Majah. Di mana pada kenyataan sanadnya bersambung namun ada salah seorang antara perawinya dinilai oleh para ulama sebagai da'if, ialah 'Ambasah bin Abdurrahman.

Sebenarnya persambungan antara beliau dengan gurunya serta muridnya tidak ada sebarang masalah dan dapat dikatakan bersambung berpandukan pada kenyataan bahawa antara mereka saling berguru dan menjadi murid. Akan tetapi beliau sendiri dinilai

oleh para ulama seperti Abu Zur'ah sebagai *munkar al-hadis*, Abu Hatim sebagai *matruk al-hadis*, al-Bukhari menyatakan ditinggalkan hadisnya, Abu Dawud, al-Nasa'i, dan Daru Qutniy menyatakan sebagai *da'if*, al-Turmudhi pun *menda'ifkan*-nya.

Dengan demikian hadis ini dapat dikatakan sebagai *da'if* kerana salah seorang rawinya tidak memenuhi standard hadis sahih mahupun hasan.

Kerana *Shadh* pada Matan hadis

Sebagai contoh untuk hadis *da'if* kerana *shadh* pada matan ini dikemukakanlah hadis yang kedua puluh lima, pada bab kedua pasal kedua daripada kitab *Hidayat al-Salikin* karya Sheikh Abdus Samad al-Palembaniy yang diriwayatkan oleh Imam Al-Bukhari:

حَدَّثَنَا يَحْيَى بْنُ بُكَيْرٍ قَالَ حَدَّثَنَا اللَّيْثُ عَنْ خَالِدٍ عَنْ سَعِيدِ بْنِ أَبِي هَلَالٍ عَنْ نُعَيْمِ الْمُخَمِرِ قَالَ رَقِيتُ مَعَ أَبِي هُرَيْرَةَ عَلَى ظَهْرِ الْمَسْجِدِ فَتَوَضَّأَ فَقَالَ إِنِّي سَمِعْتُ النَّبِيَّ صَلَّى اللَّهُ عَلَيْهِ وَسَلَّمَ يَقُولُ إِنَّ أُمَّتِي يُدْعَوْنَ يَوْمَ الْقِيَامَةِ غُرًّا مُحَجَّلِينَ مِنْ آثَارِ الْوُضُوءِ فَمَنْ اسْتَطَاعَ مِنْكُمْ أَنْ يُطِيلَ غُرَّتَهُ فَلْيَفْعَلْ. (صحيح البخارى باب فضل الوضوء والغر المحجلين من آثار ج1 ص234)

Hadis dengan nas seperti tersebut di atas ini diriwayatkan oleh Imam al-Bukhari, Imam Ahmad dan Imam al-Baihaqi. Namun Imam muslim juga meriwayatkan hadis ini tetapi tanpa lafaz “فَمَنْ”.

Imam Al-Turmudhi berkata bahawa hadis ini *da'if*. Manakala Al-Albani menyebutkannya dalam *silsilah al-da'ifah* sebagai hadis *da'if* yang disebabkan oleh adanya tambahan (*mudraj*) pada akhir ayat tersebut, sementara ayat sebelumnya adalah *marfu'*. Kenyataan di akhir itu merupakan ungkapan daripada Abu Hurairah ra. Sendiri yang dianggap sebagai hadis. Akan tetapi Al-Albani pun tidak menafikan adanya riwayat muslim yang tanpa menyebut lafaz yang akhir itu sehingga beliau dapat menyatakannya sebagai hadis sahih.

CONTOH HADIS *DA'IF JIDDAN*

Sebagai contoh untuk hadis *da'if* kerana *shadh* pada matan ini dikemukakanlah hadis yang ke 122, pada bab kedua pasal kesepuluh daripada kitab *Hidayat al-Salikin* karya Sheikh Abdus Samad al-Palembaniy yang diriwayatkan oleh Imam Al-Turmudhi:

حَدَّثَنَا سُفْيَانُ بْنُ وَكِيعٍ حَدَّثَنَا زَيْدُ بْنُ حُبَابٍ عَنْ عُمَرَ بْنِ أَبِي حَتْمٍ عَنْ يَحْيَى بْنِ أَبِي كَثِيرٍ عَنْ أَبِي سَلَمَةَ عَنْ أَبِي هُرَيْرَةَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَنْ قَرَأَ حَمَّ الدُّخَانِ فِي لَيْلَةٍ أَصْبَحَ يَسْتَغْفِرُ لَهُ سَبْعُونَ أَلْفَ مَلَكٍ (سنن الترمذی

ج 10 ص 123 & 124)

Hadis ini selain Imam al-Turmudhi juga diriwayatkan oleh imam *muhaddithin* yang lain seperti :

- Imam Al-Tabraniy dalam *Al-Mu'jam al-Kabirnya* bab kedua juzuk 7 hlm. 303.
- Imam Al-Darimiy dalam *Sunannya* juzuk 10 hlm. 316.

Imam Al-Turmudhi menyatakannya sebagai hadis *gharib* yang tidak dijumpai di mana-mana periwayatan selain jalur ini sahaja. Manakala Al-Albani menyatakannya sebagai *da'if jiddan*.

CONTOH HADIS YANG TIDAK DIJUMPAI

Ada beberapa hadis yang tidak dapat dikesan berpandukan CD Al-Shamilah juga berpandukan Kitab *Mu'jam al-Mufahras li alfaz al-hadith al-Nabawiy* salah satu contoh antaranya ialah :

من قرأ قل هو الله احد ثلاث مرات عدل بقراءة الوحي كله ومن قرأها ثلاثين مرة لم يفضل له احد من اهل الدنيا إلا من زاد على ما قال ومن قرأها مائتي مرة اسكن من الفردوس مسكنا يرضاه ومن قرأها حين يدخل منزله ثلاث مرات نفت عنه الفقر ونفعت الجار.

Mengikut Sheikh Abdus Samad al-Palembaniy dalam kitab *Hidayat al-Salikin*, hadis ini termaktub pada bab kedua pasal kesepuluh. Berdasarkan *takhrij* dengan lafaz tersebut tidak dijumpai, namun sebagai perbandingan pada bab dan pasal yang

sama juga disebutkan hadis yang diriwayatkan oleh Imam Ahmad bin Hanbal dan An-Nasa'i sebuah hadis yang berhampiran :

من قرأ قل هو الله احد مرة فكأنما قرأ ثلث القرآن

Manakala riwayat yang lain lagi disebutkan :

حَدَّثَنَا عَبْدُ اللَّهِ بْنُ يُوسُفَ أَخْبَرَنَا مَالِكٌ عَنْ عَبْدِ الرَّحْمَنِ بْنِ عَبْدِ اللَّهِ بْنِ عَبْدِ الرَّحْمَنِ بْنِ أَبِي صَعْصَعَةَ عَنْ أَبِيهِ عَنْ أَبِي سَعِيدٍ الْخُدْرِيِّ أَنَّ رَجُلًا سَمِعَ رَجُلًا يَقْرَأُ قُلْ هُوَ اللَّهُ أَحَدٌ يُرَدِّدُهَا فَلَمَّا أَصْبَحَ جَاءَ إِلَى رَسُولِ اللَّهِ صَلَّى اللَّهُ عَلَيْهِ وَسَلَّمَ فَذَكَرَ ذَلِكَ لَهُ وَكَأَنَّ الرَّجُلَ يَقَالُهَا فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ وَالَّذِي نَفْسِي بِيَدِهِ إِنَّهَا لَتَعْدِلُ ثَلَاثَ الْقُرْآنِ

Berdasarkan *takhrij* yang dilakukan dapat dinyatakan bahawa sahabat yang meriwayatkan hadis ini ada 8 orang iaitu: 1) Abu Sa'id al-Khudri, 2) Anas bin Malik, 3) Abi Mas'ud al-Anshari, 4) Abdullah bin Amr, 5) Abdurrahman, 6) Abi Hurairah, 7) Ma'dan bin Abi Thalbah, 8) Abi Ayyub, manakala *mukharrijnya* ada 7 orang iaitu 1) Imam Bukhari, 2) Imam Muslim, 3) Imam Abi Daud, 4) Imam al-Turmudzi, 5) Imam Ibnu Majah, 6) Imam al-Darimi, 7) Imam Ahmad bin Hanbal. Rawi dalam periwayatan hadis ini –setelah melalui pemilihan rawi-rawi yang dalam jalur *sanad* berbeda tetapi sama, dianggap sudah mewakili dengan salah satu saja kurang lebih 75 orang (termasuk 8 orang *Shahabat* dan 7 orang *Mukharrijnya*). *Sanad* Hadis ini dinyatakan *marfu'* ila al-Nabi saw. *Walahu a'lam*.

KESIMPULAN

Kitab yang membincangkan masalah tasawuf seperti *Hidayat al-Salikin* ataupun kitab-kitab tasawuf lainnya, juga menggunakan panduan Al-Qur'an dan Sunnah Nabi Muhammad S.A.W. sehingga pengamalannya tidak akan keluar daripada jalur yang diridai Allah dan Rasulullah. Namun tidak dinafikan bahawa ada saja hadi-hadis yang digunakan tidak memenuhi standard yang ditetapkan dalam ilmu hadis menurut *muhaddithin*. Kerananya kajian terhadap kualiti sesuatu hadis sama ada *sahih*, *hasan*, *da'if*, *da'if jiddan* atau *maudu'* itu menjadi signifikan untuk memastikannya terlebih dahulu. Dengan begitu diharapkan tidak akan terjebak kepada amalan yang tidak berasas, manakala semua pihak mesti sedar bahawa untuk *fadail al-a'mal* boleh menggunakan hadis *da'if* sekalipun tetapi tidak yang sangat *da'if* apalagi jatuh kepada

maudu^c. Dan kadang-kadang kaum sufi juga mempunyai *tariqahnya* sendiri yang tidak dapat dinafikan kemungkinannya.

Mudah-mudahan penjelasan ini memberikan manafa^cat yang banyak kepada kita semua amin, segala cadangan dan saranan untuk kesempurnaan penyelidikan yang mungkin masih kurang ini, sangat dialu-alukan dan diucapkan terimakasih.

RUJUKAN

- Ahmad bin Hanbal. 1413 H/1993 M. *Musnad Ahmad bin Hanbal*. diberi Nomor oleh Muhammad Abdussalam al-Shafi^ciy. ed. I. Beirut. Dar al-Kutub al-Ilmiyah.
- Al-Asbahaniy, Abu Na^cim Ahmad bin Abdullah. 1333 M/1352 H. *Hilyat al-Auliya*. Mesir: Matba^cah al-Sa^cadah.
- Al-Asbahaniy. Muhammad Baqir Musa. 1390 H. *Raudat al-Jannah*. Tehran: al-Matba^cah al-Haidariyah.
- Al-Baihaqi. Ahmad bin al-Hasan bin Ali. 1344 H. *al-Sunan al-Kubra*. Juzuk 1-10. cet. ke-1. Hedarabad. India. Majlis Daerat al-Ma^carif al-Nizamiyah al-Kainah.
- Al-Banjariy. Shiekh Muhammad Arshad. t.th. *Tuhfaturraghibin*.
- Al-Bukhari, Abu Abdillah Muhammad bin Ismail. 1401 H/1981 M. *Sahih al-Bukhariy*. Beirut: Dar al-Fikr.
- Al-^cAsqalaniy, Ahmad bin ^cAli bin Hajar abu al-Fida. 1995. *Tahdhib at-Tahdhib*. Ed. ke-1. Beirut: Dar al-Fikr.
- Al-^cAsqalaniy, Ahmad bin ^cAli bin Hajar Abu al-Fida. 1995. *Taqrib at-Tahdhib*. Ed. ke-1. Beirut: Dar al-Fikr.
- Al-^cAsqalaniy, Ahmad bin ^cAli bin Hajar Abu al-Fida. T.th. *Al-Dirayah fi Takhrij Ahadis al-Hidayah*. Jilid 1. Beirut: Dar al-Ma^carif
- Al-Ghazaliy. Abu Hamid Muhammad bin Muhammad. 1387 H/1968 M. Juzuk 1-5. *Ihya ^cUlumiddni*. Kaherah: Muassasah al-Halabiy wa Syurkah.
- Al-Ghazaliy. Abu Hamid Muhammad bin Muhammad. t.th. *Al-Arba^cin fi Usuliddin*. Mesir: Maktabah al-Jundi.
- Al-Ghazaliy. t.th. *Bidayat al-Hidayah*. t.th. Maktabah wa Mathba^cah al-Ma^carif.
- Al-Ghazaliy. t.th. *Minhaj al-^cAbidin*. t.tp. Maktabah wa Mathba^cah al-Ma^carif.
- Al-Hakim, Abu ^cAbdillah Muhammad al-Naisaburiy. t.th. *Al-Mustadrak ala al-Sahihain fi al-Hadith*. Juzuk 1-4. Riyadh: t.pt.
- Al-Hasani. tth. Ilmi Zadah Faidullah. *Fathurrahman Li Thalib al-Qur'an*.
- Al-Jauziah. Ibnu Qayyim. 1972 M/ 1392 H. *Madarij al-Salikin*. Lubnan: Dar al-Kutub al-^cArabi.
- Al-Jauziah. Ibnu Qayyim. 1992. *Al-Ruh fi al-Kalam ala al-Arwah al-Amwat wa al-Ahwa bi al-Dalil min al-Kitab wa al-Sunnah wa al-Athar wa al-Aqwal al-Ulama*. Beirut: Dar al-Fikr.
- Al-Kadiri. Shiekh Dahlan. t.th. *Siraj al-Thalibin; Sharh Minhaj al-^cAbidin Imam Ghazali*. t.tp. Dar al-Fikr.
- Al-Kandahlawiy. Mawla Muhammad Zakaria. 1989. *Muwatha Malik*. Beirut: Dar al-Fikr.
- Al-Khairu Abadiy, Muhammad Abu al-Laith. 1418 H/1997 M. *Takhrij al-Hadith; Nash'atuh wa Manhajiyyatuh*. Kuala Lumpur: Dar al-Shakir.

- Al-Khathib. Muhammad °Ajjaj. 1411 H/1991 M. *Al-Mukhtasar al-Wajiz fi °Ulum al-Hadith*. Beirut: Muassasah al-Risalah.
- Al-Kurdi. Najamudin Amin. t.th. *Tanwir al-Qulub fi Mu°amalati °Allam al-Guyub*. Beirut: Dar al-Fikr.
- Al-Madani. Abu al-A°la. 2001. *Jet Us Be Muslim*. diterjemahkan ke dalam Bahasa Indonesia oleh Ahmad Baidowi dengan judul. *Menjadi Muslim Sejati*. Ed. ke-5. Yogyakarta: Mitra Pustaka.
- Al-Manawiy, Muhammad °Abd al-Ra°uf. 1357 H/1933 M. *Syarah Jami° al-Saghir li al-Suyuthi*. Juzuk 1-2. Mesir: Mathba°ah Musthafa al-Babiy al-Halabiy wa Awladuh.
- Al-Mundhiriy, Zakiyuddin °Abd al-°Azim bin °Abd al-Qawiy. 1352 H/1933 M. *Al-Tarhib wa al-Tarhib min al-Hadith al-Sharif*. Juzuk 1-5. Mesir: Mathba°ah Musthafa al-Babiy al-Halabiy wa Awladuh.
- Al-Naisaburi. Muslim bin al-Hajjaj. t.th. *Sahih Muslim*. Beirut: Dar al-Fikr.
- Al-Nawawi. Abu Zakaria Yahya bin Sharaf. 1994. *Riyadus Salihin*. Beirut: Dar al-Fikr.
- Al-Palembaniy. Shiekh Abdul Samad. 1419 H/1998 M. *Hidayat al-Salikin*. Jilid 3. Transliterasi ke dalam Bahasa Melayu Rumi oleh Hj. Wan Mohd. Shaghir Abdullah. Kuala Lumpur: Khazanah Fattaniyah.
- Al-Palembaniy. Shiekh Abdul Samad. 1425 H/2004 M. *Hidayat al-Salikin*. Jilid 1. Transliterasi ke dalam Bahasa Melayu Rumi oleh Hj. Wan Mohd. Shaghir Abdullah. Kuala Lumpur: Khazanah Fattaniyah.
- Al-Palembaniy. Shiekh Abdul Samad. 1997. *Hidayat al-Salikin*. Jilid 2. Transliterasi ke dalam Bahasa Melayu Rumi oleh Hj. Wan Mohd. Shaghir Abdullah. Kuala Lumpur: Khazanah Fattaniyah.
- Al-Palembaniy. Shiekh Abdul Samad. 2006. *Hidayat al-Salikin*. Disunting dan disempurnakan oleh Ahmad Fahmi bin Zam-zam. Kedah Darulaman: Khazanah Banjariyah.
- Al-Palembaniy. Shiekh Abdul Samad. t.th. *Hidayat al-Salikin*. t.tp. Cahaya Purnama.
- Al-Qushairy. Abul Qasim Abdul Karim bin Hawazin. t.th. *Ar-Risalah al-Qushairiyah*. t.tp. Dar al-Khair.
- Al-Quzwiniy. Abu °Abdillah bin Yazid Ibnu Majah. 1995. *Sunan Ibni Majah*. Beirut. Dar al-Fikr.
- Al-Turmudhi, Abu °Isa Muhammad bin °Isa bin Saurah. 1350 H/1931 M. *Syarah al-Turmudhi li Ibn al-°Arabiy*. Cet. ke-1. Juzuk 1-13. Mesir: Mathba°ah al-Masriyah Azhar.
- Al-Turmudhi, Abu °Isa Muhammad bin °Isa bin Saurah. 1356 H/1937 M *Al-Jami al-Sahih*. Tahqiq Ahmad bin Muhammad Shakir. Cet. ke-1. Mesir: Mathba°ah Musthafa al-Babiy al-Halabiy wa Auladuh
- Al-Turmudhi, Abu °Isa Muhammad bin °Isa bin Saurah. 1352 H/1933 M. *Syarah Mukhtasar al-Turmudhi li al-Marbawiy*. Juzuk 1-22. Mesir: Mathba°ah Musthafa al-Babiy al-Halabiy wa Auladuh
- Ash-Shiddiqiy, T.M. Hasbi. 1981. *Pokok-pokok Ilmu Dirayah Hadis*. Cet. Ke-5. Jakarta: Bulan Bintang.
- Ash-Shiekh Muhammad Ghassan. t.th. *Minhatul Akyas fi Husnizzan binnas*. t.tp. tp.
- Asrori. M. Mizan dan Iltizam Shamsuddin M. H. 1989. *Musthalah Hadis*. Surabaya: al-Ihsan.

- As-Sijistani, Abu Dawud Sulayman bin al-Ash'ah. 1389 H/1969 M. *Sunan Abi Dawud*. Cet. Ke-1. Beirut: Dar al-Kutub al-'Ilmiyah.
- Ath-Thahhan. Mahmud. 1978. *Usul at-Takhrij wa Dirasat al-Asanid*. Beirut: Al-Arabiyyah.
- 'Abdul Rahman Hj. 'Abdullah. 1990. *Pemikiran Umat Islam di Nusantara*. Kuala Lumpur: Dewan Bahasa dan Pustaka dan Kementerian Pendidikan Malaysia.
- 'Athiyyah. 'Aliy. *Buhuth fi 'Ul-m al-Hadith*. t. th. Kaherah: Dar al-Mathba'ah.
- CD. *Al-Mausu'ah al-Hadith al-Sharif: al-Kutub al-Tis'ah*.
- Dewan Bahasa dan Pustaka. 2005. *Kamus Dewan*. Kuala Lumpur.
- DVD 2 – CD 1. *Al-Maktabah al-Shamilah*.
- Fatchur Rahman. 1991. *Ikhtisar Musthalah al-Hadis*. Ed. ke-7. Bandung: al-Ma'arif.
- Hamka. 1981. *Pandangan Hidup Muslim*. Jakarta: Bulan Bintang.
- Hj. Wan Mohd. Shaghir Abdullah. 1425 H/2004. *Wawasan Pemikiran Islam Ulama Asia Tenggara*. Jilid 6. Kuala Lumpur: Khazanah Fattaniyah.
- Ibnu al-Athir. Majd al-Din bin Muhammad al-Jazriy. 1392 H./1972 M. *Jami' al-Usul fi Ahadith al-Rasul*. Maktabah al-Hulwani.
- Ibnu Khalkan. Abu al-Abbas Shamsuddin Ahmad bin Muhammad bin Abi Bakar. 1968 M. *Wafiat al-A'yan*. Beirut: Dar al-Thaqafah.
- Ibnu Majah al-Qazwiniy. 1372 H/1952 M. *Sunan Ibnu Majah*. Juzuk 1-2. Mesir: Dar Ihya al-Kutub al-'Arabiyyah.
- Ismail. M. Shuhudi. t.th. *Pengantar Ilmu Hadis*. Bandung: Angkasa.
- Ismail. M. Shuhudi. 1991. *Cara Praktis Mencari Hadis*. Jakarta: Bulan Bintang.
- Ismail. M. Shuhudi. 1992. *Metodologi Penyelidikan Hadis Nabi*. Jakarta: Bulan Bintang.
- Ismail. M. Shuhudi. 1995. *Hadis Nabi Menurut Pembela dan Pemalsunya*. Cet. ke-5. Jakarta: Gema Insani Press.
- Ismail. M. Shuhudi. 1995. *Kaedah Kesahihan Sanad Hadis Telaah Kritis dan Tinjauan dengan Pendekatan Ilmu Sejarah*. Ed. ke-2. Jakarta: Bulan Bintang.
- Ja'far. Abidin. 1992. *Usul at-Takhrij*. Diklat. Banjarmasin: IAIN Antasari.
- Latief. M. Rowi Latief dan A. Somad Robith. 1997. *Tuntunan Zakat Praktis*. Surabaya. Indah.
- Ma'luf. Louis. 1986. *Al-Munjid fi Lugah wa al-A'lam*. Beirut: Dar al-Mashriq.
- Muhammad Abduh dan Rashid Rida. tth. *Tafsir Al-Manar*. Beirut: Dar al-Fikr.
- Saifuddin Zuhri. 1981. *Sejarah Kebangkitan Islam dan Perkembangannya di Indonesia*. Bandung.
- Saifuddin. 1997. *Pendekatan Sains dalam Kritik Matan Hadis*. Ujung Pandang: Perpustakaan Alauddin.
- Sayyid Mujtaba Musawi Lari. 1996. *Youth and Moral*. alih bahasa oleh Satrio Pinandito. *Psikologi Islam (Membangun Kembali Moral Generasi Muda)*. Ed. Ke-2. Bandung: Pustaka Hidayah.
- Sayyid Qutb. t.th. *Tafsir Fi Zilal al-Qur'an*. Beirut: Dar al-Fikr.
- Siddiq. Shamsuddin. 1982-1983. *Tahqiq Kitab Hidayat al-Salikin*. (Tesis Sarjana Muda Jabatan Al-Qur'an dan al-Sunnah).
- Suparta, Munzir dan Utang Ranuwijaya. 1996. *Ilmu Hadis*. Cet. Ke-2. Jakarta: Raja Grafindo Persada.

- Tim Penterjemah dan Penafsir Al-Qur'an Departemen Agama RI. 1998. *Al-Qur'an dan Terjemahnya*.
- Tim Penulis. 1996. *Kuliah Penyelidikan Hadis / Sharah Hadith*. Ujung Pandang: PPs IAIN Alauddin.
- TIM Penyusun Depdikbud. *Kamus Besar Bahasa Indonesia*.
- Tim Penyusun Kamus Pusat Pembinaan dan Pengembangan Bahasa. 1994. *Kamus Besar Bahasa Indonesia*. Jakarta: Balai Pustaka.
- Wensinck. A. J., et al. 1936. *Concordance Et Indices de la Tradition Musulmane*. Diterjemahkan ke dalam Bahasa Arab oleh Muhammad Fu'ad 'Abd al-Baqiy dengan judul. *al-Mu'jam al-Mufahras li Alfaz al-Hadith an-Nabawiy*. Leiden: E. J. Brill.
- Ya'kub. Ali Musthafa. 1995. *Kritik Hadis*. Ed. ke-1. Jakarta: Pustaka Firdaus.
- Yunus. Mahmud. 1986. *Kamus Arab Indonesia*. Jakarta. Hidakarya Agung.
- Zainal Abidin. 1984. *Musthalah Hadis Dirayah dan Riwayah (Ilmu Athar)*. Bandung: Setia Karya.